

古今詞話

古今詞話

吳江沈 雄偶曾編纂

休寧江尚賢丹崖增輯

詞品

品詞

宋徵璧曰：情景者文章之輔車也。故情以景幽，單情則露；景以情妍，獨景則滯。今人景少情多，當是寫及月露，慮鮮真意；然善述情者，多寓諸景。梨花榆火，金井玉鉤，一經染翰，使人百思哀樂移神，不在歌慟也。

沈雄曰詞有寫景入神者尹鶚云盡日醉尋春歸來  
月滿身後主云酒惡時拈花蕊嗅亦有言情得妙者  
韋莊云妾擬將身嫁與一生休縱被無情棄不能羞  
牛嶠云朝暮幾般心爲他情謾真抑亦其次盡人謂  
言情不如言景然趙秋官妻所作武林春則云人道  
有情還有夢無夢豈無情夜夜思量直到明有夢怎  
教成純乎情矣亦甚脫化而不落俳調

張炎曰詞要清空不立質寔清空則古雅峭拔質實  
則凝滯晦澀看白石如野雲孤飛去留無跡夢窓如

七寶樓臺眩人眼目，拆碎下來不成片段。此清空巖實之論。聲聲慢云：檀樂金碧，婀娜蓬萊，浮雲不蘸芳洲。前八字恐大滯滯。唐多令云：何處合成愁，離人心上秋。縱芭蕉不雨也飈飈。此三句恐亦空疎。

宋徵璧曰：詞家之旨，妙在離合。語不離則調不變，宕情不合則緒不聯貫。每見柳永句句聯合，意過久許，筆猶未休，此是其病。

毛驥曰：詞家惟刻意俊語，濃色俱賴作者神明。狀雖有淺淡處，尋常處，忽著一二乃佳。所以詞貴離合，如

行樂詞微着愁思方不癡肥怨別詞忽爾展拓不爲本調所縛方不爲一意所苦始有生動

沈雄曰詞至離合處有不爲淺人索解者時復見殘燈和烟墜金穗人不見春在綠蕪中夢斷綵雲無覓處夜凉明月生南浦諸語耐人遐想又豈獨閑宕者所能參耶

沈雄曰山谷謂好詞惟取陡健圓轉屯田意過久許筆猶未休待制滔滔潑潑不能盡變如趙德麟云新酒又添殘酒病今春不減前春恨陸放翁云只有夢

鬼能再遇堪嗟夢不由人做又黃山谷云春未逐枝瘦正是愁時候梁貢父云。撚一醉留春留春不住醉裏春歸此則陡健圓轉之榜樣也。

楊萬里曰填詞要立新意須作不經人道語或翻前人意便覺出奇若祇能鍊字纔誦數過便世精神。

張炎曰詞須要出新意能如東坡清麗舒徐出人意表不求新而自新爲周秦諸人所不能到辛劉徒作壯語於文章政事之暇游戲筆墨爲之實爲長短句詩以語於新意則亦勉強云爾也。

毛騷曰。詞家意欲層深。語欲渾成。大抵意層深者。語便刻畫。語渾成者。意便膚淺。兩難兼也。永叔詞云。淚眼問花花不語。亂紅飛過秋千去。此可謂層深而渾成者。又絕無費力之跡。

賀裳曰。詞家用意極淺淡。到愈翻愈妙。周清真滿路花云。愁如春後絮。來相接。知他那裡。爭信人心切。甚世聊賴。至陸放翁一叢花云。從今揀了十分憔悴。圖遣箇人知情。滋戚矣。至孫夫人風中柳云。怕傷郎又還休道。正如剝蕉。轉入轉深也。

王阮亭曰有詞翻來極淺反爲入情者孫葆光云雙  
槳不知消息遠汀時起鵲鵲洪叔與云醉來扶上木  
蘭舟醒來忘却桃源路無如查莖云斜陽影裡寒烟  
明處雙槳去悠悠翻令人不能爲懷

賀裳曰詞雖以險麗爲宗寔不及本色語之妙如李  
清照云眼波纔動被人猜蕭淑蘭云去也不教知怕  
人留戀伊魏夫人云爲報歸期須及早休悞妾一春  
閒吳淑姬云一春不忍上高樓爲怕見分攜處覺紅  
杏枝頭費許多氣力安排得一闌字

王世貞曰。謝朓。仲染雲爲幌。周美成。暈酥砌玉。秦少游。鶯嘴啄花紅。濶。蔣竹山。燈搖縹。暈茸窓冷。的是險麗矣。覺斧痕猶在。未若王通叟。踏青游諸什。真猶石尉香塵。漢皇掌上也。

沈雉曰。李易安。被冷香消。清夢覺。不許愁人不起。又於今憔悴。風鬟霜鬢。怕見夜間出。公楊用脩。以其尋常言語。度入音律。殊爲自狀。但守著窓兒。獨自怎生得黑。又梧桐。更兼細雨。到黃昏。點點。滴滴。正詞家所謂。以易爲險。以故爲新者。易安先得之矣。

彭孫通曰詞以自然爲宗但自然不從追琢中來則亦率易無味如所云絢爛之極仍歸平淡若使語意淡遠者稍加刻劃鏤金錯綵者漸近天然則駸駸乎絕唱矣若無住詞之杏花疎影裡吹笛到天明石林詞之美人不用斂蛾眉我亦多情無奈酒闌時自然而然者也

楊慎曰吳夢窓玉樓春云茸茸狸帽遮梅額金蟬羅剪胡衫窄看興爭看小腰身倦態強隨聞鼓笛問猶家在城東陌欲買千金應不惜歸來困頓帶春眠

猶夢婆娑斜趁拍此則淡於意態者也

江尚質曰花間詞狀物描情每多怠態直如身履其地眼見其人和凝之幾度試香纖手煨幾回嘗酒絳唇光孫光憲之翠袂半將遮粉臆寶釵長欲墜香肩是也

孫琮曰感郎不羞赧回身向郎抱六朝樂府便有此等艷情莫訶詞人輕薄按牛嶠詞須作一生操盡君今日歡李後主詞奴爲出來難教君恣意憐正兒詞宋本色但嫌意態之不文矣

張炎曰詞貴雅正爲物所役則失其雅正之音者卿伯可不必論美成有所不免如最苦今宵夢寃不到伊行如天便教人霎時相見何妨如許多煩惱只爲當時一晌畱情所謂變淳樸爲澆漓矣

宋徵璧曰詞稱綺語必清麗相須但避癡肥無妨金粉譬則肌理之與衣裳鈿翹之與環髻互相映發百媚斯生何必躲露翻稱獨立且閨穠好語吐屬易盡率露之多穢褻隨之矣

張淵懿曰劉雲閒云燒罷夜香愁萬疊穿花暗避堦

前月猶自含蘊。如無名氏云。照人無奈月華明。潛身却恨花陰淺。則又漸爲率露矣。

金粟詞話曰。柳耆卿却傍金籠教鸚鵡。念粉郎言語。花間之麗句也。辛稼軒驀然回首。那人却在。燈火闌珊處。周秦之妙境也。兩公生平無此等詞。直是筆頭進步。若近似俳體。則流爲穢褻矣。

### 用語

鐵圍山叢話云。寒鴉飛數點。流水遶孤村。隋煬帝語也。少游滿庭芳引用之。斜陽外。寒鴉數點。流水遶孤

村

潘子真云。杜鵑啼處血成花。梅子黃時雨如霧。此寇  
萊公詩也。人但知梅子黃時雨爲賀方回句。

茗溪漁隱曰。漢老念奴嬌。詠月有滿天霜曉。叫雲吹  
斷橫玉。用崔魯華清宮詩。橫玉叫雲。清似水。滿空霜  
逐一聲飛。是也。

徐士俊曰。張仲宗踏莎行云。醉來扶上木蘭舟。將愁  
不去。將人去。引用李端詩。青楓綠草將愁去。遠入吳  
雲。暝不還。此返用之爲勝。

沈雄曰。後村清平樂云。除是無身方了。有身定有閒愁。特用楞嚴。因我有身。所以有患。句也。疑是妙悟。一流人語。稼軒踏莎行云。長沮桀溺耦而耕。某何爲是棲棲者。龍洲西江月云。天時地利與人和。燕可伐與。曰可用經書語入詞。畢竟非第一義。

楊慎曰。詞於文章爲末藝。非自選詩樂府來。必不能入妙。東坡之照野瀰瀰。淺浪橫空。曖曖微霄。用陶潛山滌餘靄。字曖微霄。語也。易安之清露晨流。新桐初引。全用世說。若在稼軒。諸子百家行間筆下。驅斥如

意矣如天氣殊未佳汝定成行否得且住爲佳耳此  
晉帖中無名氏語也語本人妙而稼軒引用之  
胡應麟曰辛詞泛菊杯深吹梅笛怨蓋用易安染柳  
烟輕吹梅笛怨也兩人南渡名流豈得謂之辛剽李  
竊乎

沈雄曰斷送一生惟有酒破除萬事無過酒韓昌黎  
句山谷僅去其一字爲西江月云斷送一生惟有破  
除萬事無過此併用之襲而愈工也拂水雙飛來去  
燕曲檻小屏山六扇和魯公語也陳子高衍爲調金

門長短句云。花滿院。飛去飛來雙燕。紅雨入簾寒不捲。曉屏山六扇。此以詞填詞。長短而有致也。

### 用事

張炎曰。詞中用事。最難要緊着題。融化不澁。如姜堯章。疎影云。猶記深宮舊事。那人正睡裡。飛近蛾綠。用壽陽事。又云。昭君不慣風沙遠。但暗憶江南江北。想環珮月下歸來。化作此花幽獨。此皆用事。不爲所使。倚聲集曰。劉叔安立春懷內水龍吟云。画欄倚徧東風。閉負却桃花兒。此用樊夫人事。與已姓相合也。

藝苑雌黃曰稼軒永遇樂云千古江山英雄無覓孫  
仲謀處尋常巷陌人道寄奴曾住可堪回首佛狸祠  
下一片神鴉社鼓憑誰問廉頗老矣尙能飯否稼軒  
以示座客客無對者岳珂曰新篇微覺用事多耳  
徐士俊曰稼軒六么令送玉山令陸德隆還吳中第  
四句陸雲食羊酪語第六句陸龜蒙居甫里事第八  
句陸續第十句陸賈第十二句陸遜末句陸羽先輩  
特以拈拾見長而情致則短矣

沈雄曰稼軒賀新郎綠樹聽啼鴂一首盡集許怨事

却與太白擬恨賦相似。吳彥高春從天上來一首。全用琵琶故實。卽如沈伯時評夢窓詞。用事下語太聯。處人不易知。亦是一病。

用字

張炎曰。詞中有生硬字面。用不得。須是深加煅煉。敲打得響。方得。誦歌安湣。始稱本色語。如方回夢窗。皆喜於用字者。多於李長吉。溫飛卿詩中來。然則字面亦詞中之起眼處也。

鹽關中謂好爲鹽。隋曲有疎勒鹽。唐曲有突厥鹽。旗

肩吾嫵媚吳娘笑是鹽楊慎懶唱新翻阿鵲鹽正韻  
收在去聲與艷字通古今樂錄曰大曲有艷有趨有  
亂鹽在曲前趨與亂在曲後

那音怒後漢書曰公是韓伯休那仕甫杖藜不睡誰  
能那陳與義愁世那

快心所欲也山谷心事幾曾快孫夫人斗帳春寒起  
未快李王雲亂未快整

管作虛字劉夢得曾有垂楊管別離宋謙父自有天  
公管王月小任老却蘆花西風不管張蛻蒼惱人春

不管

要嬌也。周美成食夢不成。軟將竹山羞與鬪。爭夢  
縈牽繫也。張南湖一線碧烟縈藻井。王阮亭殘絮初  
繁斗帳垂。

惹王摩詰楊花惹暮春。孫葆光六宮斜黛惹春愁。  
寔古詩願言則嚏。蕭東父綠窓還嚏否。

頰與嶺同音。漬洗面也。劉辰翁綠韻楊怕。

自音抑。秦觀半缺柳瓢。其音元。詞輕執得斷風。

翠陸放翁謂高似孫曰。彩帛鋪有翠色。直紅殊不曉。

所謂紅而曰翠高曰嵇康琴賦新衣翠燦班婕妤賦  
紛翠燦兮紈素聲言鮮明也蘇東坡牡丹詩一朵妖  
紅翠欲流。

鎖音所不與老字同押齊已重城不鎖夢每夜自歸  
山通叟重門不鎖相思夢隨意遶天涯。

否宋詞多以否字爲府與主字舞字同叶張仲宗短  
夢今宵還到否曹元寵謂閩音而通用者。

個宋詞我共影兒兩個竹外錦鳩啼一個用珂和韻  
可宋詞煮笋園林嘗梅麝榭有何不可最憐人可可。

夢依依可意。湖山留我住。亦是珂和。非嘉華韻。

蘸毛文錫側影。蘸輕羅。鞠塵波。黃山谷。遠山橫。黛蘸

秋波。吳夢窗游雲不蘸芳洲。可類推也。

費周美成衣潤費鑪烟。謝勉仲。心情費消遣。晏小山

莫向花箋費淚行。本於學書費紙之費。

欠希真。四望烟波世盡欠。青山龍洲只欠雲帆。欠沙

鳥欠漁船。

做秦少游。神仙須是閒人做。劉青田添黃入柳點紅

歸杏。都是東風做。

弄曹組風弄一庭花影。俞克成花裡鶯聲時一弄。士禎銀箏斷續連珠弄。

碾謝無逸攏鬢步搖青玉碾。葉少蘊雕車南陌碾。芳塵陳湘真玉輪碾。平芳草半面惱紅妝。

凝樂天落絮。世風凝不飛。幹臣淚漬羅衫。猶疑賓王想。萼汀水雲愁凝。

粘山谷遠水粘天。吞釣舟次山粘雲。江影傷千古太虛。天粘衰草白石朱戶粘。鷄俱本避暑錄。

側唐詩春寒側側掩重門。宋詞玉樓十二春寒側。太

意峭寒也

尖。永叔曲終新恨到眉尖。叔璵應嚮牧臺低照。画眉尖。

泥與殢一音。柳永泥懽邀寵最難禁。鄧文原銀鐙影裡泥人嬌。俱本元微之泥他沽酒拔金釵。來非止云柔情不斷也。

殢與泥小別。漫道愁須殢酒。酒未醒。愁已先回。夢竟擬逐楊花去。殢人休下簾櫳。似有牽帶意。

曆曆飾起。自韋固妻爲盜刃刺眉。以翠掩之也。一音。

藥一音琰卽以溫詞別之繡衫遮笑靨州草粘飛蝶  
此音藥粉心黃蕊花靨黛眉山兩點此音琰

檀爲淺赭所合婦女暈眉色也淺眉微欽注檀輕斜  
分八字淺檀蛾歌聲慢發開檀點翠鈿檀注助容光  
銅昏檀粉淚縱橫又粉檀珠淚和伊不語檀心一點  
何處惱佳人檀痕衣上新詞家多用之見詞品

黃後周宮人黃眉黑妝亦有借取檀畫意溫庭筠撲  
蕊添黃子牛嶠額黃侵臍髮於花間集見數則語  
黑易安詞守着窗兒獨自怎生得黑幼安詞馬上琵琶

琵琶關塞黑。張端義貴耳集曰。此黑字不許第二人押。

瘦坐盡寶爐。香瘦天還知道。和天也瘦。

嫩方千里。嫩水帶山愁。不斷。趙鼎夢回鴛帳餘香嫩。

驀不覺意。南史王晞詩。日驀當歸去。魚鳥見流連。牛

嶠詞。日驀天空波浪急。正用晞語。俗改作暮淺矣。

卮字本佛經。卮吉祥相也。又髮右旋而結。此形王

建詞。太平卮字舞當中。馮延巳詞。卮字迴欄旋着月。

李珣詞。猗女鬋髮卮字螺。

銀字製笙。以銀作字。飾其音節。銀字笙調。蔣捷句也。

銀字吹笙毛滂句也

心字以屑香爲心字縈篆燒之又製衣領屈曲如心字故云心字香燒蔣捷句兩重心字羅衣晏幾道句亞字汪鈍翁曰吳作羅城如亞字王阮亭云記得相逢亞字城

闌干橫斜貌又韻會云眼眵謂之闌干薛令之詩首藉長闌干王元景曰別後淚闌干陳叅政詞杜鵑聲裡闌干

侵尋白石詞空歎昔序侵尋竹屋詞故園歸計休更

橫陳簞也王阮亭簾衣如縠映橫陳

澤也。劉禹錫浮簞梳頭宮樣妝。

樂句按拍板也皮日休鰈板都教樂句傳元宮詞不

教軟舞珊珊立玉趾迴旋樂句中

義甲劉言史迸却琉璃義甲聲彈箏所以護甲者如

假髻曰義髻。遂有義嘴。衣有義襴。皆外也。項羽目楚

王曰義帝又東坡集衆會曰義樽義墨或是共尊之

名

簷花美成詞浮萍破處簷花簾影顛倒無逸詞簷花  
細雨照芳塘以簷間画花爲是非雨花也

風刀蕭東父恨結愁縈風刀難剪幾千縷本庾肩吾  
詩三更風作切夢刀

蘭膏見巖棲幽事蘭露一滴在花蕊間用以潤髮臨  
江仙詞玉梳雲髮潤不喜上蘭膏又油名蘭膏花間  
集中蘭膏光裡雨情深皆通

剗地言快便也辛詞綠窗剗地調紅妝剗地西風欺

客夢

儼○儼○山○谷○詞○鎮○把○你○來○儼○儼○

阿○那○法○曲○解○云○謝○公○留○賞○山○公○醉○知○入○笙○歌○阿○那○朋○

阿○那○云○此○等○朋○云○類○也○

南○雲○晏○殊○詞○鴈○過○南○雲○行○人○回○淚○眼○或○問○晏○詞○何○出○

楊○慎○舉○陸○機○思○親○賦○指○南○雲○以○寄○欽○陸○雲○九○悠○詞○眷○

南○雲○以○興○悲○爲○據○

雙○螺○小○山○詞○雙○螺○未○學○同○心○緒○已○占○歌○名○安○陸○詞○垂○

螺○近○額○上○紅○筵○初○趁○拍○當○時○歌○女○未○破○瓜○時○粧○飾○

瑟瑟寶石名與鞞輪同。晉郊詩：碧如瑟瑟，紅鞞輪。又王周詩：天女瑟瑟衣，風樓晚來織。

金鋪屈戌爲金鋪。銅鋪樞鈕之屬。李賀屈戌銅鋪鎖。阿甄顧覓金鋪向晚局。

意錢卽攤錢。見梁冀傳。西樵云：白紵春來學意錢。羨門云：意錢人在小牕西。近代詞人用之。

金斗。秦觀詞：睡起熨沉香。玉腕不勝金斗。本李義山詩：輕寒不省夜，金斗熨沉香也。

鞞鞞。古肅慎國所產寶石。華言謂之鞞鞞。文與可朱

櫻歌云上季離官促薦新翡翠一盤紅韎鞢葛魯卿  
西江月云韎鞢斜紅帶柳琉璃漲綠平橋  
鬧裝帶名始於白樂天詩貴主冠浮動親王帶鬧裝  
薛田詩九苞縮就佳人髻三鬧裝成子弟韎蓋子弟  
腰帶所垂以繫鰲幌等具者

坊曲唐制妓所居曰坊曲周美成詞惜惜坊曲人家  
陳敬叟詞窈窕青門紫曲北里之南曲北曲是也  
么鳳惠州梅花上珍禽名倒挂子似綠毛鳳而小其  
矢亦香俗人蓄之帳中東坡西江月云倒挂綠毛么

鳳是也。

方響。蘇東坡有浣溪沙詞。專咏方響者。犀槌玉版奏涼州。一聲敲徹絳河秋。是也。按梁始爲方響。以代磬。用鐵爲之。廉郊彈琵琶池內躍出方響一片。物類相感如此。

輪臺。古遷謫地。岑參詩。西去輪臺萬里餘。楊基詩。聖明寬逐客。不遣過輪臺。牛嶠詞。星漸稀。漏頻轉。何處輪臺聲怨。中呂宮。柳永有輪臺子。

一孤舟。人以爲重複字。然孤舟正妙在一字。如唐人

之青山萬里一孤舟。日夜一孤舟。見總龜詩話。

斜陽暮。秦詞杜鵑聲裏斜陽暮。人議之。人改之。詞品曰。畢竟不如暮字。卽周美成山木蒼蒼落日曛。可辨密雲龍蘇門四學士到必用之。茶名也。

雙魚洗盥手之器。張仲宗夜遊宮詞用之。

海棠香。海棠世香。楊太真每取昌州名本。故昌州海棠獨香。見開元軼事。

海棠顛放翁詩。走馬碧鷄坊裡去。被人喚作海棠顛。梨花雲本。王昌齡夢中喚作梨花雲。詞家多用之。

藕絲風舊詞有淺黃衫耐藕絲風弇州用之

芳草歇王麗真燕拆鶯離芳草歇蘇長公春事闌珊

芳草歇俱本康樂詩芳草亦未歇來

卵色天見葛魯卿天穿節詞中卵色天如水又花間

詞一方卵色水南天東坡詞相逢卵色五湖天

舊雨來杜少陵卧病長安旅次多雨尋常車馬之客

舊雨來今雨不來東坡詩新巢語燕還窺硯舊雨來

人不到門稼軒詞舊雨常來今雨不來佳人偃蹇誰

畱本此

玉版禪東坡約劉器之往簾泉寺參禪及至抵燒笋而食劉異之東坡指笋曰此玉版僧最善說法

索春饒山谷楊柳索春饒小山一汀烟柳索春饒湧幢小品謂有餘裕天之鍾情獨厚也余謂其有厚望意觀於毛東澤所用一春嬌妬索人饒便知之

秋千旗李元膺詞寂寞秋千兩綉旗陸放翁詞秋千旗下一春忙永叔詞隔牆遙見秋千侶綠索紅旗雙彩柱

澹花瘦玉孫光憲咏女冠云澹花瘦玉依約神仙粧

束

粉瘦酥寒毛湧吼梅花云粉瘦酥寒一段天真好  
寵柳驕花黃玉林曰人以綠肥紅瘦爲易安佳句子  
以寵柳驕花寒食近種種惱人天氣寵柳驕花四字  
更爲奇俊

蝶粉蜂黃美成詞蝶粉蜂黃都退了宋祁詞淚落顰  
脂界破蜂黃淺則知宮中時往有時退盡也

明珠濺雨少游詞紋錦製帆明珠濺雨皆隋煬帝事  
帝令宮女灑明珠於船頭以擬雨雹之聲

暝香惹夢枕名溫詞暝香惹夢鴛鴦錦  
鳳花簫局熏籠也

錦櫻雲挨蔣竹山風蓮句

卧紅堆碧東坡春暮詞隱隱徧長林高阜卧紅堆碧  
繫斜陽纜辛稼軒水龍吟結句

醉玉艷雪史邦卿羞醉玉少年丰度懷艷雪魯家伴  
侶醉玉見蘭畹詞艷雪出韋詩

去去何處李珣河傳二句

團扇團扇王建轉應曲句

句法

張炎曰詞中句法須要平妥精粹一曲之中安能句句高妙只要相搭襯付得去於好發揮筆力處極要用工不輕放過讀之使人擊節所以時多警句

沈雄曰高耻菴所列麗句原係天壤間有限之語然古今人必以此爲矜新顯異者自一字至四字爲字自五字至十五字爲句湊合不同工力各別特拈之不嫌其複也至十六字則成小令矣

絲雨溼流光。周晉儻謂花間集只有絲雨溼流光五

字

風○色○偃○貂○裘○王○子○可○射○虎○句

半○溼○斜○陽○暮○宗○元○鼎○點○絳○唇○句

紅○影○笑○春○酣○吳○綺○滿○庭○芳○句

人○遠○波○空○翠○宋○初○大○僚○如○韓○魏○公○范○文○正○公○俱○能○詞

如○韓○之○點○絳○唇○有○人○遠○波○空○翠○句

放○珍○珠○簾○隔○向○伯○恭○好○事○近○句

嬌○妬○索○人○饒○魏○承○班○訴○衷○情○句

向○吹○簫○吳○市○沈○雄○三○葉○子○句

明月清風我蘇東坡句

心素與誰語秦觀古調笑句

朝雨溼愁紅溫庭筠荷葉杯句

簷牙枝最佳蔣捷霜天曉角斷句

溪水西柳堤溫庭筠河傳斷句

波底夕陽紅溼趙德莊西湖詞阜陵見之喜曰我家

裏人會作此等語

杜宇一聲春曉東坡西江月句及覺亂山慈籠不謂

人世也

天○澹○銀○河○垂○地○范希文守邊作詞有窮塞主之稱其  
御街行天澹銀河垂地一句自佳

雙鸞衾裯悔展晏殊關河令句

春○淺○千○花○似○束○文天祥齊天樂句

桃○花○淺○醉○春○風○王士祿何滿子句

花○影○亂○鶯○聲○碎○秦少游千秋歲句後人因其語建鶯

花亭

花○非○花○霧○非○霧○白居易詞黃玉林曰雖高唐洛神不

及也

傾綠蟻泛紅螺李珣南鄉子句

東風外幾絲碧高觀國霜天曉角句

紅杏交枝相映張泌河傳斷句

柳濃花淡鶯稀顧曼臨江偈句

雲破月來花弄影宋子京過張子野家將命者曰欲

見雲破月來花弄影郎中內應之曰莫是紅杏枝頭

春意開尙書

紅杏枝頭春意開宋子京玉樓春句見前說

露濃香汎小庭花閨選襲之爲小庭花露泣濃春因

改浣溪沙爲小庭花

紅綃香潤入梅天。王琪望江南句。

笑呼銀漢入金鯨。馮取洽句。臨邛高耻菴列爲龍句。

圖

玉船風動酒鱗紅。何大圭小重山句。高耻菴列爲龍

句。圖曰：此等句在天壤間有限。如雲錦月鉤造化之

巧，非人力所能。然又本於山谷酒面紅鱗恰細吹也。

碧波池。鵲鴛浴。馮延巳蝶戀花語也。唐元宗極愛

此一句，可當細雨夢回兩句。

花觸金丸紅雨少。王阮亭評沈雄詞曰：花觸金丸，固

是麗句。竹窻箋體，當不下花間樽前也。

妬春良夜愛春朝。李容齋豆葉黃句。

好花天氣舊游時。龔賢浣溪沙句。

薊葉清香勝花氣。蓮詞共推永叔諸作。後見處度此

句，清新自無人道。

不曾真個也銷魂。詹天游爲席上粉兒咏此。楊都尉

遂贈之曰：請天游真個銷魂也。

辦竹几蒲團茗椀。宋謙甫驀山溪句。

花花滿枝紅似霞。溫庭筠思帝鄉斷句。

何處按歌聲。輕輕韋莊一絲風句。

惡滋味最是黃昏晏。小山兩同心句。

怕傷郎又還休道。孫夫人風中柳句。

玉刺雙璋錦挑對。祿李易安贈孿生句。

染雲爲幌。借月爲鈎。謝勉仲七夕詞。稱爲隱麗語。

燈花負夜月色欺。廊徐士俊望海潮句。

以將燈滅。儘把衣牽。沈雄憶秦娥句。

秋夜靜。螢飛點玉鈎。張淵懿十六字令句。

儘登高只近新亭淚吳暢菴賀新郎句

羅衣溼新搵舊啼痕韋莊小重山句

一去又乖期信春盡溫庭筠荷葉杯句

海棠花謝也雨霏霏溫庭筠遐方怨句

驚問是楊花是蘆花韓駒昭君怨句

鴛鴦影何必画雙身趙而忭小重山句

恰似一江春水向東流李後主虞美人曲宋太宗聞

之賜牽機藥致禍

妾擬將身嫁與一生休韋莊思帝鄉句

李○是○古○來○如○此○且○開○顏○朱○敦○儒○憶○真○娘○句○

偏○我○相○思○人○倒○合○歡○牀○朱○彝○尊○江○城○梅○花○引○句○

眉○尖○淡○画○春○山○不○喜○添○孫○夫○人○南○鄉○子○句○

回○顧○笑○指○芭○蕉○林○裡○住○歐○陽○炯○南○鄉○子○句○

風○乍○起○吹○皺○一○池○春○水○馮○延○巳○作○謁○金○門○句○唐○元○宗○

曰○千○卿○何○事○延○巳○曰○未○若○陛○下○細○雨○夢○回○云○云○

空○相○憶○無○計○得○傳○消○息○韋○莊○寓○蜀○蜀○主○奪○其○姬○之○善○

詞○翰○者○入○宮○故○作○謁○金○門○起○句○

舊○時○衣○袂○猶○有○東○風○淚○周○美○成○與○妓○楚○雲○相○善○後○於○

紫巒太守席上見楚雲之姝作點絳脣句以憶之雲感泣

重來門巷盡日飛紅雨王阮亭曰龔尙書幕山溪詞  
重來門巷盡日飛紅雨不知其何以佳但覺魂搖心

醉

誤則今生情則何生了沈柳塘陡健之筆盡推其直  
接山谷來蓋蝶戀花也

只有淒涼月來照鴉棲朱竹垞瀟湘雨落葉句

却世語回眸眼波一線彭羨門白苧句

寶帳欲開慵起。戀情深。毛文錫以調名結句。  
細草平沙蕃馬。小屏風。薛昭蘊昭君怨句。  
卷盡殘花風未定。休恨。辛棄疾定風波句。  
畫堂前人不語。絃解語。牛嶠西溪子句。

有誰知。爲蕭娘書一紙。周邦彥夜游宮句。  
人不到。見歸鴉。掩窗紗。李坦園三字令句。  
杏花疎影裡。吹到。天明。陳與義臨江僊句。真正自  
然而然語意超絕。可摩坡公之壘。

月上柳梢頭。人約黃昏後。朱淑真元夕詞。也有云詞。

則佳矣。豈良人婦所宜爲邪。

燈前纔一笑。偷解碩羅裙。吳偉業臨江仙句。吳祭酒  
多有外好。時復遇之。有謂此詞直道其事。卽美成少  
年遊意。

鴛衾空一半。鴛衾空一半。沈偶僧東坡引夢句。

衰柳數聲蟬。冤消似去年。顧曼醉公子句。花間集曰。

陳聲伯愛之。擬衍一絕句云。擁被忽聽門外雨。山中。

又作去年秋。兩俱脫化。

折蘆花。贈遠。零亂一身秋。張炎句。

早安排送春小會櫻桃宴彭羨門白苧句

眉共春山爭秀可憐長皺周美成一絡索句

繁紅一夜驚風雨是空枝皇甫松摘得新句

東風急惜別花時手重執牛嶠望江怨句

倚危樓但鎮日綉簾高捲劉彥冲句

如夢如夢歲月落花烟重唐莊宗於宮中掘得石刻

有此詞中有如夢字爲如夢令

人靜人靜風弄一枝花影曹元寵如夢令句因有寵

於徽宗

去影來香碁局換酒杯涼孫武經意難忘句  
自惺忪伴酩酊檀心暗切龔介眉秋夜月句  
喜冬空雪秋空月夏空雪梁棠村行香子句  
睡起熨沉香玉腕不勝金斗少游句見前金斗註  
鴈來人不來羌笛一聲愁絕溫庭筠句  
小窗甲子初晴報梅花早春顏令竹句  
流水落花歸去也天上人間李後主歸來作此浪淘  
沙語感懷故國  
縱使人間春自好悔我參差董元愷句

朱○衾○回○幔○緊○圍○定○夢○愁○心○軟○龔○鼎○華○句○

莫○和○秦○箏○要○聽○香○喉○第○一○聲○曹○溶○句○

愁○腸○已○斷○好○去○續○繒○雲○絲○兩○蕙○蘭○芳○引○句○此○青○城○詞○

中○刺○繡○語○也○却○爲○女○紅○填○就○此○婉○麗○之○筆○

問○開○皇○將○相○復○何○人○亾○陳○者○吳○偉○業○句○

鶯○嘴○啄○花○紅○溜○燕○尾○點○波○綠○皺○秦○少○游○如○夢○令○句○吹○

劍○錄○曰○咏○物○形○似○而○少○生○動○與○紅○杏○枝○頭○費○如○許○氣○

力○

嬌○癡○不○怕○人○猜○和○衣○倒○在○人○懷○朱○希○真○句○

報道先生歸也。杏花春雨江南。真個生作風入松句。

以寄柯敬仲。

何物便稱情種。敗人學道。根苗梅墩。曰此偶僧去。寄調清平樂句也。學道人亦復未免有情耶。

自起捲簾看夜色。天青星欲滴。無名氏句。

三分春色愁中度。一半在梨花。梁業村句。

眼底分明暗着人。且逐勞人語。毛大可句。

當初錯處也相宜。何況總空時。吳綺句。

竹外一枝斜。想佳人。天寒日暮。曹組賦梅句。用東坡。

竹外一枝斜更好

遲日正暄妍。顰游絲。釵頭輕臂。彭孫適白苧句。

銀屏小語。私分麝月。春心一點。蔡松年尉遲杯句。

一片青銅。半邊綠枕。悞我從頭。沈雄柳梢青句。

蚤見濃雲堆下。梨花月一輪白。高觀國霜天曉角句。

微傳粉。攏梳頭。隱映回簾。開處風流子句。

溪痕淺雪痕。凍月痕。淡粉痕。微上西平句。

當初偎竝。而今獨自。提起從頭。單尊僧句。

要○迷○踪○困○影○山○尖○海○角○填○情○滿○曹○客○句○

珠○貝○橫○空○冷○不○收○半○溼○秋○河○影○越○周○臣○句○  
霜○風○淒○緊○關○河○冷○落○殘○照○當○樓○柳○永○句○見○前○說○  
鴛○鴦○拂○破○蘋○花○影○低○低○趁○涼○飛○去○史○達○祖○句○  
簾○前○歸○燕○看○人○立○却○趁○落○花○飛○入○毛○滂○句○  
捧○觴○含○笑○撥○箏○篴○畱○麼○畱○麼○曹○溶○句○  
門○外○重○重○疊○疊○山○遮○不○斷○愁○來○路○徐○俯○句○  
甘○心○署○錦○隊○鉞○奴○五○湖○編○管○風○月○龔○鼎○孳○句○  
鴈○飛○吹○裂○雲○痕○小○樓○一○縷○斜○陽○影○吳○文○英○句○  
儒○取○頭○廳○重○印○肯○換○却○纖○纖○羅○襪○龔○鼎○孳○句○

香風吹欲散。都應是。愁態玉難支。陳世祥句。

燕子樓空。佳人何在。空鎖樓中。燕蘇東坡永遇樂詞。

晁无咎曰。三句說盡張建封事。

要東君。著意催溫。送暝。試他心性。曹溶句。

鬢如蟬。寒玉簪秋。水輕紗捲碧烟。牛嶠句。

春波性。朝霞命。雨桃風絮。前生鏡。魏瓘句。

金鑪次第添香獸。紅錦地衣隨步皺。李後主句。

枝上柳綿吹又少。天涯何處無芳草。蘇東坡蝶戀花。

句。在可解不可解之間。姬人朝雲。日夕歎之。竟以病。

終

落花一夜嫁東風。世情蜂蝶輕相許。彭羨門踏莎行。

爲春盡日作也。

願把東風權做我。向漪簾影裏輕吹。玉阮亭讀龔介眉合歡帶句。謂其曲折艷思。復有仙骨。

綵索身輕。常趁燕紅窗睡重。不聞鶯人。謂東坡惟唱大江東去。至如綵索身輕等語。使十七八女郎歌之。又豈在曉風殘月之下。

無可奈何花落去。似曾相識燕歸來。晏殊謂王琪曰。

假如無可奈何花落去久未有對琪卽應聲云似曾  
相識燕歸來何如晏爲之大喜辟置館職

一丈紅檣迷玉杵十年青鳥斷銀鈎嚴蓀友句  
燕已能言衝社雨蝶因多夢醉春風江尚質句  
夢和花落鶯憎蝶淚傷燈枯雨近霜沈雄句

最愛學宮樣梳粧偏能效文人心性柳耆卿句

欲歸時司空笑問微近處丞相嗔狂陸放翁句

夢魂淡筆供酒債風日好棋破花慳李坦園句

惱脂銷守宮袖裏羞玉減脂麝香中沈永令句

恨西風不庇寒蟬。便掃盡、一林殘葉。張士田句。  
挑琴壁阮太多能。自寫影、養花風下。龔芝麓句。  
莫道不消魂。簾捲西風人比黃花瘦。李易安醉花陰  
中卒章三句。趙明誠作五十闕。襍之以問人人亦只  
指此三句爲妙絕。

杜宇莫頻啼。不喚人歸。只喚三更夢。曹顧菴句。  
西裏移舟。詩邊就枕。葉葉碧雲分雨。史邦卿句。  
我見青山多嫵媚。料青山見我亦如是。辛稼軒句。  
愁不分。明方是病。余將愁比病。誰深淺。徐萍村句。

君同春去秋來燕奈妾是朝開暮落花送入我門來  
倩郎雙袖窄攏春纖頻呵凍筆画睂尖小重山句  
遲留春筍緩飛觴南堂靜人已候虛廊小重山句  
須信鸞絃易斷奈雲和再鼓曲終人遠念奴嬌句  
紅牙雙捧旋排行將歌處相向更勾粧小重山句  
別館寒砧孤城画角一片秋聲入寥廓千秋歲引句  
風透紙窗蛩語咽只今宵勾把愁腸絕賀新郎句

割裂

沈雄曰後人以集句爲割裂近代以襲句爲割裂情

語未圓割強先露是第一病甚有單調小令而故加  
以換頭雙調者更有雙調原詞而截半爲單調者如  
一剪梅截取半闕改名半剪如燭影搖紅截取半闕  
收爲小令若以西江月加於小重山爲江月晃重山  
以踏莎行加於虞美人爲踏莎美人割裂已極何不  
爲四犯八犯之調不幾於南曲之配合乎

### 禁忌

周永年曰詞與詩曲界限甚分惟上不摹香奩下不  
落元曲方稱作手譬如擬六朝文洛唐音固卑上使

漢制亦復儉父

爰因詞話曰遇事命意意忌庸忌陋忌襲立意命句  
句忌腐忌澀忌晦意卓矣而束以音屈意以就音而  
意能自振者鮮矣句奇矣而攝以調屈句以就調而  
句能自然者鮮矣

詞筌曰詞須風流蘊藉作者當知三忌一不可入漁  
鼓中語言一不可涉演義家腔調一不可像優伶人  
叙述其最醜者爲酸腐爲怪誕爲粗莽是不可不禁  
也然則陰麗者重矣須泯其刻劃之迹創獲者貴矣

尤思爲突兀之辭

金粟詞話曰大約用古人之事則取其新僻而去其陳因用古人之語則取其清俊而去其平實用古人之字則取其妍媚而去其淺俗觀方虛谷之譏石屏楊升菴之論元寵昔人且然何況今日

柳塘詞話曰詞之粗莽者李似之咏桂勝如茉莉賽若茶藤仲殊之咏桂花則一名種分三色更若王子文之今日事何人弄得如此王寶之之臺省好官都做幾回筆墨何辜儉父之甚

徐士俊曰曹西士爲紅窓迴自慰其足云扶持我去  
博得官歸恁時賞對朝靴安排你在轎兒裡更選對  
官樣鞋兒夜間伴你殊欠典雅

蔣一葵曰康伯可從駕時重陽遇雨口占望江南有  
云戲馬臺前泥拍肚龍山會上水平臍直浸到東籬  
落帽孟嘉尋箬笠拂衣陶令覓蓑衣兩箇一身泥高  
宗大笑問之伯可對云此蒜酪體也

沈雄曰粗鄙之流爲謔笑調笑之變爲諛媚是也如  
唐多令之賀半閒堂也算來閒不到人間一半神仙

先古取留一半與君閒。如木蘭花慢之續福華編也。  
賈似道喜而語人曰：詞則佳矣，失之太俳，安有著緋  
衣周公乎？篆刻鼎鐘，將遍整頓乾坤方了，是何言歟。  
諛媚之極，變爲穢褻。秦少游怎得香香深處，作個蜂  
兒抱柳耆卿，願得妳妳蘭心蕙性，枕前言下，表余深  
意。所以消魂當此際，來蘇長公之誚也。

化菴詞客曰：耆卿晝夜樂云：層波細剪，明眸膩玉，潤  
搓圓頸，至無限狂心乘酒興。這歡娛漸入佳境，猶自  
怨隣鷄，道秋宵不永。此詞麗以淫，爲妓作也。

詞統曰。無名氏點絳脣云。端雨尤雲。靠人緊把腰兒貼。顫聲不徹。肯放郎教歇。○槽口微微笑。吐丁香舌。歎龍麝被郎輕嚼。却更喚人劣。余謂漢之秘辛。未必及此。

沈雄曰。詞貴運動自然。若葉元禮用王氏故事。作沁園春云。濯濯丰姿。春柳秋桐。彷彿超羣。鵝鳥衣紫。燕回堂如舊。碧鷄金馬。綵筆方新。座講昆靈。手持團扇。○可是風流。珉與珣。耽情甚愛。長干持櫂。載取桃恨。○蓮花幕裡。相親看。旁若無人。人們魚頻歡。談言絕倒。我

非衛玠平生意好君是王筠對酒長歌唾壺莫缺家  
寶猶來卽國珍難忘處記滕王高閣賦就驚人猶以  
搬數家珍終爲觸眼也

蔣一葵曰王特起賀生第三子叠用三字作喜遷鶯  
云古今三絕惟鄭國三良漢家三傑三俊才名三儒  
文學更有三君清節爭似一門三秀三子三孫奇崛  
人總道賈蜀郡三蘇河東三薛○懽懽況正是三月  
風光好傾杯三百子竝三賢孫齊三少俱篤三餘事  
業文旣三冬足用名卽三元高揭親朋慶看寵加三

錫禮膺三接。如此語意。亦卽福唐惡習也。

語病

藝苑雌黃曰。歐陽公平山欄檻。俯晴空。山色有無中。東坡賦水調歌頭。記其事。長記平山堂上。欹枕江南。烟雨蓋以山色有無。非烟雨不能然也。然以平山欄檻。俯晴空爲起句。已成語病。恐蘇公不能爲之諱也。則是以歐陽公爲短視者。近是俯一作倚。

漁隱叢話曰。聶長孺賦綠頭鴨。露洗華桐。烟弄細柳。此是仲春天氣。其下乃云。綠陰搖曳。蕩春一色。亦語。

病也。

沈雄曰山谷西江月云斷送一生惟有破除萬事無過似歇後句遠山橫黛蘸秋波不甚聯屬不飲旁人笑我亦未全該南宋人謂其突兀之句翻成語病。

改詞

張炎曰詞成恐前後不相應或有重疊句意又恐字面麤疎卽爲修改少頃再觀必有未穩處改之又改方爲完璧急於脫橐豈能無過。

賀裳曰王次回疑雨諸集見者沁入肝脾或云次回

詞不多作。善改舊詞。有加毫頰上之技。然舊詞本有自然而然之妙。反失之透露。失之猥鄙。不如不改之爲愈也。

溫叟詩話曰。李景手捧眞珠上玉鉤。或改眞珠爲珠簾。舒亶十年馬上春如夢。或改爲如春夢。皆非知音者。

漁隱叢話曰。溫飛卿玉樓春。衰桃一樹近前池。似惜容顏鏡中老。欲改近字爲頰字。歇字。便覺一分頰露。詞品曰。東坡詞。玉如纖手嗅梅花。俗刻改爲玉奴。孫

夫人詞日邊消息空沉沉俗刻改爲耳邊敗人佳思  
或云方彥彖所以書貴舊本

### 戲作

丘石常曰詞中每多戲贈曲中謂之諢語周德清謂  
莊重之餘出以詼諧顧用之者何如獨恨今之以風  
格笑人者如陳仲子笑齊人莊諧皆優然不如諧者  
之神明足以解頤

陳子宏曰稼軒沁園春止酒詞如荅賓戲解嘲等作  
以游戲文章寓意填詞詞所不禁也

沈雄曰蘇長公爲游戲之聖。邢俊臣亦滑稽之雄。蘇  
贈舞鬟云春入腰支金縷細輕柔。種柳應須柳柳州。  
蓋柳州用呂溫嘲宗元詩。柳州柳刺史種柳柳江邊。  
也。邢作花石綱應制云。魏義萬丈與天高。物輕人意  
重。千里送鶯毛。未用成句。以諷徽宗也。若稼軒之重  
髮金云。人言頭上髮。總向愁中白。拍手笑沙鷗。滿身  
都是愁。便不成詞意。

感遇

柳塘詞話曰。王琪受知於元獻。辟置館職。毛滂受知

於東坡留款法曹王輔之賞識漢老漢宮春感舊得  
名雙溪之標榜玉林金縷曲尖新特著雖則一時之  
勝事良爲不世之奇逢只如蔡元長之薦晁氏趙閒  
閒之黨元子以至游次公有叅幕之用劉改之有求  
田之資先輩之在高位多有爲之延譽而成名者廼  
若微行觸忤流落方城飛卿之數奇也重扶殘醉一  
朝釋褐國寶之盛遇也否亦風前月下自稱奉旨填  
詞瓊海金閨能識風流學士雄也薄命誰憐困學自  
毀縱不作鐵崖之老婦吟尙能如升菴之熟稗史無

奈僅免公卿三辱欲續文章九命三十年來落落窮  
途蕭蕭白髮諒可期於減字偷聲庶有補於按宮變  
徵乃若疎影暗香小紅得以長價綢雲後玉粉兒真  
個消魂當亦自斥爲狂悖云

詞識

太平廣記曰韓翃置柳氏都下寄以章臺柳詞縱使  
長條似舊垂亦應攀折他人手後果爲沙吒利所劫  
人皆可以爲詞識

侍兒小名錄曰錢思公撰木蘭花綠楊芳尊幾時休○

淚眼愁腸先已斷。歌之必泣。下舞鬟驚鴻聞之。同相  
公其將危乎。果卒於隨州。

冷齋夜話曰。少游旣謫。方歸常於夢中作好事。近卒  
章云。醉卧古藤陰下。杳不知南北。果至藤州卒。

徐士俊曰。徐渭作鵲鴿天。越溪多少蓮舟女。老却朱  
顏不嫁郎。爲終身下第之讖。

### 讀詞

徐渭曰。讀詞如冷水澆背。陡然一驚。便是興觀羣怨。  
應是爲備言借貌一流人說法。夫溫柔敦厚。詩教也。

陡然一驚固是詞中佳境

曹秋嶽曰周雪客云文章不遇賞鑒家寧落咸陽劫甚爲士人之恨余每讀古今填詞非能自振拔無爲呵護者必不流傳三復斯語因讀無名氏諸傑作亦思設一法以公之舉世也

傳詞

沈雄曰昔人詞多散逸而又委巷沿習宮禁流傳者細心微詣其精彩有不可磨滅故也或有暗用刺譏及太近穢褻者統曰無名氏餘亦聽其託此仙鬼

吟題壁上記夢中而已且和成續嫁名於他人夏公  
謹諱言其姓氏必欲指爲某某手筆也迂甚

朱彝尊曰言詞必稱北宋至南宋始極其工至宋季  
始極其變姜白石最爲傑出惜乎樂府五卷僅存二  
十餘闕張東澤綺語債傳亦寥寥至施乘之孫季藩  
盛以詞鳴沈伯時樂府指述亦爲矜譽今求其集不  
可復覩周公謹陳君衡王聖與集雖抄傳公謹賦西  
湖十景當日屬和者衆而今集無之花草粹編載有  
君衡二詞陳輔之詞音載有王聖與霜天曉角等詞

中語張炎玉田集汪晉賢所購合之周雪客所抄暨  
虞山吳氏所藏尙云未盡可見詞之傳不傳亦有幸  
有不幸也

選詞

周長卿曰選詞如昭明文選但一入選面目相似不  
入選者非無佳詞覺有俟氣選草堂者小令中調吾  
無間然長調則有出入非惟作者難選者亦難也  
詞綜曰填詞風雅無過石帚一集草堂之選不登其  
隻字胡浩然詩席之作僧仲殊阮桂文章亟載卷中

甚而易靜兵要寓聲於望江南悟真篇什按謂爲西  
江月選者於此不幸極矣

朱竹垞曰選家書法不一先系爵後書名者花間集  
中州樂府體也書字於官爵下者絕妙詞選體也書  
名者全芳備俎體也書字者草堂體也冠別字於姓  
名之前者鳳林書院體也楊氏詞林萬選陳氏花草  
粹編或書名或書字或書官或書集或書地名或書  
別字覽者茫然於世次人物之間所以近選宜直書  
其名無足怪也況欲垂之不朽者乎

柳塘詞話曰選一家詞而以小令始以長調終者非  
通論也花間樽前絕少長調草堂花菴方有曼詞務  
必拘執字數分定後先或賦材爾殊或托感不一況  
當場寄咏長短皆可懸殊一調尋思汗漫亦自無極  
大可偏師取勝何必具體爲工哉近若梅柳爭春百  
篇兩體春秋分部終卷一生是以贈答由興會所合  
勢必幾處拆開寄情爲種類所分語亦終成零碎旣  
不得各人面目復不合選家旨趣一成變體殊爲恨

梅墩詞話曰：文人選詞，與詩人選詞，總難言當行者。文人選詞，爲文人之詞；詩人選詞，爲詩人之詞。等而下之，莽鹵者勝，更恐失村夫子面目也。

江尚質曰：人文蔚起，名製若林。近披朱竹垞詞綜，毛馳黃詞譜，邵程村倚聲集，蔣京少瑤華集，家幾人壁。評者紛如，得與柳塘沈子稽古證今，贊成是書，再願考覈定譜，公之天下，惟真名篇典論之惠教耳。

高太西函三

投

沈垣衛人